

奉節縣志卷十六

鹽茶

百姓日用飲食卽國家財賦源也鹽莢始齊管仲茶法創唐貞元嗣是籌國備邊之要利莫大焉至若鬻之在官通之商賈裕國而不病民其道有與時變通者不可不亟講也誌

鹽茶

按川省行鹽每陸引一張實徵稅銀二錢七分二釐四毫水引一張實徵稅銀三兩四錢

奉節縣志

卷十六

鹽茶

一

零五釐通計水引二萬九千五百一十八張陸引一十三萬七千五百七十八張計稅課銀共一十五萬二千五百六十二兩九錢一分二毫各縣分數徵收解存鹽茶道庫聽候撥支

奉節舊行水引一百七十七張每張徵稅銀三兩四錢五釐每張徵羨餘銀七釐每張截角銀六錢總共徵稅羨截角銀七百壹拾兩壹錢貳分八釐於雲陽縣買鹽運至本縣行銷

縣治東南八陣磧下舊有鹽井四口龍脊灘南亦有鹽井二口冬出夏沒年久淤塞咸豐初年鄉民淘井試煎產鹽極旺於是每歲水落之時編茅砌竈比屋鱗次蒸氣成雲熬波出雪縣民無不食磧井之鹽矣雲陽縣鹽井商竈息分其利構訟不休光緒六年知府黃毓恩通稟存案定議本縣民專食磧鹽開煎之時設局抽釐每觔抽錢六文除完納奉邑應徵稅課及補雲邑竈課銀數外儘收儘解并嚴禁私販出境事歸通判委派紳士經管期垂久遠

奉節縣志

卷十六

鹽茶

二

按川鹽行引舊歸於商稅課徵收歲有常數光緒二年總督丁寶楨奏定章程收歸官運官銷奉

旨准行由是稅課加增商引遂廢此川省鹽政之一變局也

茶法

按川省行茶邊腹土引每張徵課銀一錢二

分五釐邊引每張徵稅銀四錢七分二釐腹引每張二錢五分土引每張三錢六分一釐三引共一十三萬九千三百五十四張課銀一萬七千四百一十九兩二錢五分稅銀五萬八千七百八十九兩四錢一分四釐各地分數徵收有無多寡不一解存鹽茶道庫聽候撥支

奉節行茶腹引五十張每張徵課銀一錢二分每張稅銀二錢五分羨銀九分八釐截角銀

奉節縣志

卷十六

鹽茶

三

一錢二分總共徵茶課稅羨截角銀二千九兩六錢五分外茶引照票五張照票息銀五兩四錢於本縣配茶發賣